

غَنغُونِي

I

نامو النعسانين
تَبِيلِك. يِلَّا نامي
يا زهرة اِيَّامِي
وطَقُولَة تَشْرِين.
نامي تَ تَكْبِرِي
جَفُونِك دِبلانين
إِمَّاك من بَت مِرِي
بِيك من حردين.

كُلُّن سَبْئوكي
لُ من عَمْرِك، نَنار،
لَبْنُونِي، أَعْنار.
نامي ت يشوفوكي
كَبُّورا ويهدوكي
بُلوزايي ب زرار.

II

سئلو ب أَيَّا شهر
من السني جبناكِي؟
تَلتَّعش تَشْرِين.
شهر لُ آخ! لُ نُهر
الجرح، وسَمِيناكِي
بُ إِسْمِك، أَمَلِين.
وكان يومتا الزهر
راح، وجيتي... كَنار
لمن عَمَدَّناكِي
كِنَّا، وندرناكِي

لَ سَيِّدَةَ لُ غَارِ.

III

تِيَابِكُ مَنشُورِينَ
عَ حَبَلِ لُ غَسِيلِ
وِيلَالِي لُ بُولِينِ
عَلَّ أزرءِ وَيَمِيلِ
السمَاوي! شُرِّي
يَا شَمْسُ، حُزِّي
بِرْعُمِ كُونِينِ،
وَدَقِّي لُ بِرْدَانِينِ.
يِلَّا، نَامِي، كُزِّي
يَا ثَلِي لُ حَزِينِ!
إمَّكَ مِنْ بَتِ مَرِي
بِيَّكَ مِنْ حَرْدِينِ.

IV

نَسَمَ هَوَا لُ ئِيلِي
يَا هَوَا وَيْنِ كَنْتِ؟
- صُوبِ لُ بُسَاتِينِ.
+ مَيْلِ، شُو جَايِيلِي
مَعَكَ لَ هَلْ بَنْتِ؟
- شُو بَدَّا؟
+ دَفَا
لَ جَرِيهَا، وَغَفَا
لَ عِيُونَا لُ حَلُوبِينِ!
تَعِي يَا شَمْسُ غَمْرِي
لِعَبَا الرَطْبِينِ.
وَإمَّكَ مِنْ بَتِ مَرِي

بيك من حردين.

بكرالم يتيلو

عشّين ل حنان.

ل حمام يهدلو.

إجاكي نيسان

وينك؟ ئال مُرّي!

حلوي مرّا تّنين

وتلاقي. تمرّي

ويوسعو ل عينين:

هلّ حلوي من وين؟

كلن يسفلو.

+ وجّا شو نّي!

- ئولك بنت مين؟

جسما شو حلو!

شعرا نص لّيل

رشولو التردّين.

+ هيدي أمكين

- وين بيتا؟

+ هلّ ميل

ب شارع ل حنين.

- بيلبئلا ل موردي.

+ بيا لي تحطف

تلتعش تشرين

بتزكر؟ ورّوه

ب حرش ل مونتي فيردي

تلات أربع شعف

ياي شو عزّوه

وشعفي بلّ ئنايي.

يا إنت لِّي جايي .
يا إنتو الرايحين
لُ هونيك سَمعو
صوت الدّم لُ بَري .
يا هالدرب سَهري .
يمكن يرجعو
الليلي لُ مَخطوفين .
يُختي صَلّي، نُدري
بلكي بيطلعو
السي لُ محبوسين
من حبس لُ خيام
وَلّي مَزتوتين
عَم يعدّو سنين
بِ حبوسة الشام